

UGOVOR

o javnoj nabavci usluge putem direktnog sporazuma
"Usluga obnove elektroinstalacija" u vatrogasnoj ispostavi Stup

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Jasmin Terović, (u daljnjem tekstu: **Naručilac**), ID broj: 4200665390008 i
2. **SEMPO s.o.r.**, ul. Muhameda Hadžijahića br.35, kojeg zastupa direktor, Denis Pivašević, (u daljnjem tekstu: **Isporučilac**), ID broj: 4300196280004.

U daljnjem tekstu Ugovora, kada se Naručilac i Isporučilac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je Ponuda Isporučioca broj: 09/20 koja je dostavljena 15.09.2020. godine i Odluka o izboru najpovoljnijeg ponuđača za nabavku roba, Naručioća, broj: 06-11-1656-3/20 od 22.09.2020. godine.

III PREDMET UGOVORA

Član 1.

Predmet ovog Ugovora je nabavka usluge prema direktnom sporazumu i to: "Usluga obnove elektroinstalacija" u vatrogasnoj ispostavi Stup prema tehničkoj specifikaciji, koja je navedena u Zahtjevu za dostavu ponude Naručioća, broj: 06-11-1656-1.1/20 od 03.09.2020. godine, kao i Ponudi Isporučioca, br. 09/20 koja je dostavljena 15.09.2020. godine, koje čine sastavni dio ovog Ugovora.

Član 2.

Usluge koje su predmet nabavke Isporučilac je dužan isporučiti prema svojoj Ponudi i specifikaciji Naručioća.

IV CIJENA I NAČIN PLAĆANJA

Član 3.

Ukupna vrijednost ugovorene nabavke definisane u članu 1. ovog Ugovora iznosi: 5.791,50 KM (slovima: pethiljadasedamstotinadevedesetjedan i 50/100 KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Naručilac se obavezuje da će ukupni iznos iz stava 1. ovog člana isplatiti na račun Prodavca broj: 1549995000421445 otvoren kod Intesa San Paolo banke.

Član 4.

Ugovorne strane su saglasne da će Naručilac ukupnu vrijednost iz člana 3. stav 1. ovog Ugovora isplatiti u roku do 10 (deset) dana, nakon izvršenih svih predviđenih usluga, ako prilikom pružanja usluge Naručilac nema primjedbi na isporučenu uslugu.

Isporučilac je saglasan da Kupcu neće zaračunavati zatezne kamate za zakašnjenje pri plaćanju putem "Trezora" Ministarstva finansija Kantona Sarajevo, ako je Naručilac u ugovorenom roku predao nalog za plaćanje, a Isporučilac primio uplatu s odgodom od jednog ili više dana od ugovorenog roka iz stava 1. ovog člana.

V ROK I MJESTO ISPORUKE

Član 5.

Isporučilac se obavezuje da će uslugu iz člana 1. ovog Ugovora, početi isporučivati najkasnije u roku do 7 dana nakon obostranog potpisivanja ovog Ugovora, a rok za izvršenje predmetne usluge je 10 radnih dana.

Ugovorena usluga će se isporučiti na adresi vatrogasna ispostava Stup, ul. Brijesčanska br.12, 71000 Sarajevo.

Član 6.

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Isporučilac nije mogao predvidjeti,
- kada ugovorne strane sporazumno produže ugovorni rok.

Član 7.

Ukoliko Isporučilac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 30 dana, Naručilac ima pravo na raskid Ugovora.

VI UGOVORNA KAZNA

Član 8

Ukoliko Izvršilac ne izvrši svoje obaveze u predviđenom roku dužan je da za svaki dan zakašnjenja plati ugovorenu kaznu u iznosu 0,1 % od ukupne vrijednosti ugovorene cijene. Ukupna vrijednost ugovorne kazne koja se plaća ne može iznositi više od 10 % od ugovorene cijene.

Naplata ugovorne kazne od strane Naručioca neće osloboditi Izvršioca obaveze da izvrši ugovor u potpunosti.

Ukoliko obračunata ugovorna kazna pređe 10 % od vrijednosti ugovora Naručilac zadržava pravo da jednostrano raskine ugovor i zahtijeva isplatu ugovorne kazne.

Ugovorna kazna se obračunava od prvog dana poslije isteka ugovorenog roka izvršenja.

Naručilac ima pravo zahtijevati ugovornu kaznu i kad njen iznos premaši visinu štete koju je pretrpio, kao i kad nije pretrpio nikakvu štetu.

Ako je šteta koju je Naručilac pretrpio veća od iznosa ugovorne kazne, on ima pravo zahtijevati razliku do potpune naknade štete.

VII OBAVEZE IZVRŠIOCA I NARUČIOCA

Član 9.

Izvršilac se obavezuje da će:

- usluge obnove elektroinstalacija izvršiti kvalitetno i u predviđenom roku, prema specifikaciji usluga navedenoj u svojoj ponudi br. 09/20 od 15.09.2020. godine, a u skladu sa važećim propisima, pravilima struke, zahtjevima Naručioca i odredbama ovog Ugovora;
- u cilju izvršenja ugovorenih usluga obezbijediti potrebne stručne kadrove i materijalno-tehnička sredstva;
- uslugu iz člana 1. ovog ugovora izvršiti u ugovorenom roku u skladu sa međusobno usaglašenom dinamikom.

Član 10.

Naručilac se obavezuje da će:

- obezbijediti uslove za neometan rad i pristup prostorijama u kojima će se usluge iz člana 1. isporučiti;
- izvršiti uplatu ukupne cijene vrijednosti ugovorene usluge iz člana 3. ovog Ugovora, na način i u roku utvrđenom u članu 4. ovog Ugovora;
- pismeno obavijestiti Isporučioca o svakom eventualnom propustu u odnosu na pitanja utvrđena ovim Ugovorom.

VII RASKID UGOVORA I NAKNADA ŠTETE

Član 11.

Kada jedna ugovorna strana ne ispuní svoju obavezu, druga strana može, ako nije drugačije određeno ovim Ugovorom, zahtijevati ispunjenje obaveza ili pod uslovima predviđenim Ugovorom i ugovorenim materijalnim pravom, raskinuti Ugovor, ako raskid Ugovora ne nastupa po samom Zakonu, a u svakom slučaju ima pravo na naknadu štete.

U slučaju raskida Ugovora, ugovorne strane imaju pravo na naknadu štete koju trpe zbog kršenja Ugovora od druge ugovorne strane.

VIII PRIJELAZNE I ZAVRŠNE ODREDBE

Član 12.

Izvršilac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 13.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 14.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko to nije moguće, nadležan je Općinski sud u Sarajevu.

Član 15.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.


ZA ISPORUČIOCA

Direktor

Denis Perović

I.P.

Broj: _____
Sarajevo, 24.09.2020. godine



M.P.

Broj: 06-11-1656-5/20
Sarajevo, 24.09.2020.godine

ZA NARUČIOCA

Direktor

Jasmin Terović